

Tornados un Rauzent Wint

Äwasecht

Joarestieden Wada, soo aus Wint, Hoagel, un Tornados kjenn haustich bilden un daut Läden un Goot batem Jefoa brinjen. Strenja Storms passieren äwaraul Alberta äwa em aule Joarestieden. Et es wichtich weeten waut to doonen om Läden un leejendoms to beschutzen.

Wint

Em mieeschtens poats von Alberta, een [Wint Woarnunk](#) woat rutjeäft fa Wint waut erwarten es daut et weens 70 bat 90 Kilomeeta de Stund blosen kunn.

Wint Tautsachen

- Rauzent, stoakja ooda blosenda Wint kaun Velazunk uasoaken ooda Schoden aum leejendoms.
- Wint waut soo met Schwunk pust kaun daut schwoara moaken toom gonon ooda ve'usoaken Kontroll to velieren wiels foaren.

Rot toom Wint derchläden

Wan määjlich:

- Moak loosa Dinja faust romem leejendom wiels dee kjenn jefäadelja Schoss woaren.
- Dien Tieren em Schulinj nenbrinjen.
- Em Plauz Schulinj näm bat de Storm ieescht äwa es.

Tornados

Een Tornado es een jewaultsom dreienda Wintkjriesel waut tweschen Jewitta Wolkjen un de leed vetrakjt.

Tornado Tautsachen

- Tornados kjenn met rauzent Wint Schwunk ankomen, wietleftich Mol bat äwa 400 Kilomeeta de Stund Wint.
- Mieeschtens Tornados fangen aun met bilden aum Nomeddach un tiedja jääjenowent.
- Tornados senn välmol schwoa toseenen wietauf.
- Nich aule Tornados haben een Trechta waut toseen jeit.
- Tornados komen mieeschtens ut Sieden ooda Wasten, ooba kjenn von irjentwua häakomen un haustich äa Rechtunk omdreien.

Rot toom Tornado derchläden

- Groote Hoagelsteena senn ieremol wäarent een Tornado bie. Näm Schulinj wan daut aunftangt to hoaglen un doo nich rutgonen.
- Von Mei derch bat Septamba es daut Tornado un Hoagel Joarestiet em Alberta. Medden-Juni derch aunftangs August es de aulahechsta Tiet doafää.

Finj ut wua diene Nobaschoft Informazion aunmalen un oppfreschen woat wäarent een Nootfaul, un moak secha de [Alberta Emergency Alert](#) app em Foon downloading toom kjrietisch, Läden-schoonent Tiedinjen kjrieten.

Fienansiel reedjemoakt

- Räd met een Inschurens Ajent om diene bestemda Nooten.
- Vesto diene Inschurens Rajchtschnua. Moak secha dien Heim, Foatich, Jeschaft, un Hab-un-goot beschutz senn.
- Wan määjlich, bedenkj aun een Nootjelt Rääkjunk haben toom oppverieescht Onkosten tolen wiels du utem Heim best.
- Wan du kaust, hool waut Nootjelt hendich fa wan de Bank Deenst oppeenst nich loossbandich es.
- Wan du von Tus rutjeriempt woascht, hool aul de Ressiets toop von irjents bowenäwa Onkosten.
- Schriew een [bestemda List](#) dol vom aul dien Hab-un-goot.
- Vesto de [7 Stopen](#) toom een aunieejnen moaken vom dien Heim Inschurens.

De Insurance Bureau of Canada es reed diene froagen be'auntowuaten. Schriew an derch email aun bie askibcwest@ibc.ca ooda Foon an bie 1-844-227-5422. Fa mea Informazion om diene Inschurens aunjereet haben, sieekj aun dissen website: ibc.ca

Fa mea Informazion

Läs onse aundra Tautsachen Boages aun:

- Stiemwada, jefroarna Rääjen, un less Storms
- Jewittastorms, Blitzen, un Hoagel
- Strenja Owwada

Du kaus mea Informazion finjen om aunjereet senn derch Alberta.ca ooda aun [Environment and Climate Change Canada](#).

SCHULINJ EM RAUZENT WINT NÄM

Woo die selfst von rauzent Wint (90 Kilomeeta de Stund ooda mea) to beschutzen doano de Sort Jebeid wua du bennen best.

Jebied	Sechaheit Rot
Em aule Ferheltnissen	<ul style="list-style-type: none">• Dolkneenen, Kopp beschutzen un opppaussen fa romflieejenda Prell.• Do nich Tornados hinjaraun joagen. Dee senn onbestemt un kjenn haustich äa Rechtunk omdreien.• Een Tornado es heichlent, et mäajen lat doano daut et Stell blift wan daut ooba docht die entjääjen kjempt.• Hool dien Radio aun om utfinjen woona Omjääjenden aunjejeipt senn, woona Wääj secha senn, wua hantowanken, un waut to doonen wan du vääjesajt woascht toom von Tus rutriemen.• Hool dien Nootfaul Tausch dichtbie.• Foljen Unjarechten vom Be'aumpta Persoonen. Erinren, onjehuarsom senn to de Ordnungen bringj Låwes batem Jefoa.
Loosjehoakt-heim	<ul style="list-style-type: none">• Go no de Kjala ooda een unja-leed Schulinjplauz, wan et loossbandich es.• Äwajens, näm Schulinj em een kjandra Bennastow aum Grunt Flua soo aus een Bodstow, Kjleedastow ooda Gank.• Moak secha Fenstren un Däären too jemoakt un oppbewoat senn, un dan bliew von dee fuat.
Foarm	<ul style="list-style-type: none">• Näm en dien Heim Schulinj, soo aus daut bowa hia jeschråwen es. Doo nich proowen Tieren to raden, buta du jleefs daut et secha doatoo es.
Offitz ooda Pensjoon	<ul style="list-style-type: none">• Näm em Bennastow ooda Bennagank Schulinj, basta Städ wudd em Kjala ooda aum Grunt Flua senn.• Doo nich de Ellewåta brucken. Bliew vom Fenstren fuat.
Groote Jebieda	<ul style="list-style-type: none">• Jebieda soo aus Sportplaza ooda Enkjeeepen Stuaeren/Malls mäajen toopfaulen wan een Tornado aanschlont.• Wan mäajlich, sieekj Schulinj em een aundra Jebied.• Wan du ooba doabennen bemoakt woascht, näm Schulinj unja een stoakja Dinkj soo aus een Desch ooda Schriewdesch.
Bewääjlich Heim ooda Foatich	<ul style="list-style-type: none">• Bewääjlich Heims ooda Foatieja sennen nich secha wäärent Tornados ooda irjent rauzent Wintstorms.• Mea aus de Halft Doodes waut vom Tornados passieren komen entwåda von benna Bewääjlich Heims benn ooda dichtbie dee, ooda von em Foatieja.• Sieekj Schulinj em een stoakja Jebeid soo schwind aus mäajlich.• Moak secha dien Nootfaul Plon metentalt een dichtbie secha Plauz wua du ruttoriemen kaust.
Foaren	<ul style="list-style-type: none">• Wan du em Butadarp best un daut Jefoa een Enj auf toseenen jeit, du kunst veleicht een Tornado utemwääj komen derch Rajchtwinkjels von de Tornado foaren. Äwajens, sieekj fuaz stoakja Schulinj.• Wan daut Jefoa dichtbie es un Schulinj nich loossbandich es, krup utem Foatich rut un näm Schulinj em een läajren Städ, soo aus em Growen, ooba pauss opp fa Äwaschwamunk.• Niemols proowen een Tornado waut dichtbie es vebieranen/reisen.• Wåa vom unja Brigjden veståakjen.